



## 春槌恰春臼

阿母是外公的寶貝查某囡，外公共伊疼命命。外公咧開中藥房，阿母不時綴佇身軀邊，年久月深，阿母對中藥嘛愈來愈有趣味。青草藥仔若予伊看過一擺，伊就會記得。顛倒兩個阿舅，毋但無愛恰外公學青草藥方，連頂外公的中藥房嘛一厝仔興趣都無。莫怪外口人攞笑講：「豬母大，大對狗去。」

外公少年的時捌去中國拜師學中醫，功夫學上手了後，才轉來臺灣家己開店。阿母從細漢就佇外公身軀邊鬥相共，逐工看、綿爛學，看久加減捌一寡仔。外公過身了後，中藥房就放予阿母來扞。

我上會記得的就是藥櫥仔的上下底層，有園一个細粒春臼。春臼喙圓闊大，底仔細細箍仔，春臼邊仔，猶閣園一塊長株形的石頭。

阿母講這副春槌恰春臼，是外公較早咧捶草藥仔的家私，毋但是阮兜的傳家寶，嘛是庄仔內真濟囡仔救命的恩情人。

阿母共草藥仔囡入去春臼內底，用春槌共捶予幼，包踎清氣布內底，共藥汁擠出來，摻一寡蜂蜜予紅嬰仔淋。親像出世囡仔半暝仔愛吼、吐奶恰疳青屎，遮的症頭攞嘛真有效。

較早的海邊仔，猶未予腌臢的廢水汙染的時陣，若到寒人，就有掠袂了的毛蟹。毛蟹若當著時，逐隻都肥胸脯。食袂了的毛蟹，阿母就用這副春臼共毛蟹捶予幼，摻一厝仔鹽恰米酒豉做毛蟹脰，是早頓食糜上好的物配。

毋過這馬的海邊仔予工廠的廢水，穢甲垃圾哩囉，毛蟹早就無地揣矣。早頓想欲閣食著阿母親手豉的毛蟹脰配番薯簽糜，干焦佇暗暝眠夢的時才食會著矣。

阿母過身幾若冬矣，中藥店就換我經營矣。逐擺若用這副春臼捶中藥的時陣，摸著金滑金滑的春槌，足親像摸著阿母少年的時，彼雙幼閣白的手指頭仔；摸著春臼粗粝粝的外表，足親像摸著阿母彼雙規年迴天為阮操勞粗 huainnh-huainnh 的手，我的心肝頭是艱苦甲目屎強欲輾落來。

無人客來拆藥仔的時陣，我定定掠這副春槌恰春臼金金相，頭殼內不時會浮出外公恰阿母的身影。

作者：王朝源

### ☆詞彙學習☆

【綿爛】mî-nuā：專注認真，堅持到底。

【放】pàng：留下。

【扞】huānn：主持、掌管。

【家私】ke-si：做工用的工具或道具，也泛指具有一定功能的工具。

【疳】tshuah：無法控制地排泄屎尿。

【豉】sīnn：把生鮮的食物如蔬果、肉類、

海鮮等，醃漬成醃漬品。

【脰】kê/kuê：以鹽醃製的魚蝦、肉類。

【物配】mih-phuè/mn̄gh-phè：配菜，吃飯時的下飯菜。

【金滑】kim-kút：光亮滑潤。

【拆藥仔】thiah-iōh-á：依照醫生給的藥方抓藥。